



WHITE PAPER

SPCFIN токены танилцуулга

Улаанбаатар 2025



Мэдэгдэл

Энэхүү танилцуулга нь Storepay үйлчилгээний цаашдын бизнесийн замнал, үүнтэй холбоотой Storepay үйлчилгээг олон улсад нэвтрүүлэхэд SPCFIN койн болон SPCFIN токены гүйцэтгэх үүрэг, эдгээрийн хэрэглээний талаар мэдээллийг хүргэх зорилготой юм.

Энэхүү танилцуулга нь SPCFIN криптовалютыг худалдан авах урилга, уриа, гэрээ хийхэд нөлөөлөх зорилгыг агуулаагүй бөгөөд тус танилцуулгыг уншсанаар тус криптовалютыг худалдан авах гэрээний харилцаа үүсэхгүй болно.

SPCFIN койн болон SPCFIN токеныг худалдан авахаас өмнө худалдан авагч холбогдох эрсдэлийг судалж, мэдлэг мэдээлэлд суурилсан шийдвэр гаргах үүрэгтэй бөгөөд уг танилцуулгын гол зорилго нь сонирхол бүхий этгээдийг шаардлагатай мэдээллээр хангах юм.

Монгол улсын хэмжээнд крипто валют, койн, токен зэргийн асуудлаар гарсан хууль журам, эрх зүйн зохицуулалт хязгаарлагдмал учир худалдан авагчийн хувьд эрсдэл дагуулсан, тодорхой бус нөхцөл үүсэх магадлалтай.

Үүнд: үнэлгээ огцом унах, өсөх, крипто биржүүдийн ажиллагаа доголдох, татварын орчны өөрчлөлт, хууль эрхзүйн зохицуулалтын орчны өөрчлөлт болон бусад урьдчилж таамаглаагүй нөхцөл байдлууд орно

“Стор пэй ББСБ” ХХК-ийн зүгээс Стор пэй койн (SPCFIN) криптовалютын хоёрдагч зах зээлийн үнэ ханш, тогтвортой, эрсдэлгүй байдлыг хариуцахгүй бөгөөд SPCFIN токены хоёр дагч зах зээлийн үнэ ханш нь чөлөөт зах зээлийн зарчмаар нээлттэй явагдах болохыг анхаарна уу.



Агуулга

- Мэдэгдэл
- Компанийн тухай
- Монголын санхүүгийн орчин
- BNPL үйлчилгээний тухай
- Тоон үзүүлэлт
- Санхүүгийн тайлангийн хураангуй
- SPCFIN token

SPCFIN ашиглалт ба SPCFIN wallet

SPCFIN буцаан олголт буюу Mining

Эрэлт ба Нийлүүлэлт

Тоо хэмжээ

- Гадаадын зах зээлийн хөгжил
- Бүтэц, баг хамт олон
- Эрсдэлийн менежмент




Компанийн тухай

Storepay & SPCFIN



Компанийн тухай

Storepay нь Монголын хамгийн олон хэрэглэгч, харилцагчтай **Buy Now, Pay Later** буюу **"Одоо аваад, дараа төл"** финтекийн хуваан төлөх шийдлийн үйлчилгээ үзүүлэгч компани юм.





Монголын санхүүгийн орчин

BNPL үйлчилгээ нэвтрэхээс өмнөх Монголын санхүүгийн зах зээл

Банк санхүүгийн байгууллагуудын голлох үйлчилгээ нь зээл, хадгаламж болон лизинг бөгөөд бага үнийн дүнтэй худалдан авалтад зориулсан лизингийн үйлчилгээ ховор, кредит картын үйлчилгээ түгээмэл бус.



Иргэд зээл, лизинг ашиглан худалдан авалт хийснээр сар бүр хүү, шимтгэлд нь өндөр төлбөр, эцэст нь худалдан авалтын үнийн дүнгээс дунджаар 20-50% илүү мөнгөн дүнг төлөх болдог. Энэ бүхний эцэст оролцогч гурван талын аль алинд ашиггүй нөхцөл байдал үүсдэг:

- Банк, санхүүгийн байгууллагын үйлчилгээг ашиглах хэрэглэгчийн тоо багасч;
- Иргэд хэрэгцээтэй худалдан авалтаа хийж чадахгүй байдал үүсэж;
- Бизнесийн хувьд хэрэгцээтэй бараа, үйлчилгээний борлуулалт хязгаарлагдмал.

Бараа эргэлт, борлуулалтаа нэмэгдүүлэхийн тулд худалдааны салбарынхан маркетингийн үйл ажиллагаанд их хэмжээний зардал гаргах, хямдрал урамшуулал зарлах зэргээр бизнесийн ашигт ажиллагаа багасах гэх мэт зах зээл дээр хоорондоо харилцан холбоотой тодорхой асуудлууд үүсэж байв.



BNPL үйлчилгээний тухай

“Стор Пэй ББСБ” ХХК нь 2019 оны нэгдүгээр сарын 23-ны өдөр иргэд болон бизнесүүдэд тулгараад байсан дээрх асуудлуудыг шийдэх зорилготой үүсгэн байгуулагдсан.

Бид технологийн хөгжил дэвшлийг санхүүгийн цоо шинэ BNPL (Одоо аваад, дараа төл) модельтой нэгтгэн арван сарын турш судалгаа, хөгжүүлэлтийн ажлыг хийж, 2019 оны арван нэгдүгээр сард Монгол улсын санхүүгийн зах зээлд анх удаа ямар ч хүү, шимтгэлгүй хуваан төлөх үйлчилгээг нэвтрүүлэв.



Ингэснээр, иргэд ямар нэгэн хүндрэл чирэгдэлгүйгээр 100,000 – 10,000,000 төгрөгийн хооронд Storepay-ийн гэрээт газруудаас ямар нэгэн нэмэлт төлбөргүй, зөвхөн тухайн худалдан авалтын төлбөрийг хуваан төлөх нөхцөлтэйгөөр авах боломжтой болов. Энэ нь:

Хэрэглэгчийн хувьд

- Санхүүгийн таатай нөхцөлөөр худалдан авалт хийх
- Хүү, шимтгэлд өндөр төлбөр төлөхгүй байх
- Цалин, орлогод уялдуулан санхүүгээ төлөвлөх


Харилцагч байгууллагын хувьд

- Илүү олон худалдан авагчид бүтээгдэхүүн, үйлчилгээгээ хүргэх
- Борлуулалтын шинэ бөгөөд хялбар сонголтыг үйлчлүүлэгчдэд санал болгох
- Худалдааны бодит эргэлт, өсөлтөө нэмэх
- Хамтарсан маркетинг хийж, брэндийн танигдалт борлуулалтыг нэмэх зэрэг давуу талуудыг өгсөөр байна



BNPL үйлчилгээний тухай

Стор пэй бүтээгдэхүүний төрөл болон борлуулалтын эзлэх хувь



2025 оны 5 сарын 21-ний өдрийн байдлаар



Toogoop

Storepay & SPCFIN



Storepay / Тоогоор

Тоон үзүүлэлт

7.5 тэрбум ₮

Улсын төсөвт төвлөрүүлсэн татварын орлого

7,704+

Сторпэй үйлчилгээ
боломжтой дэлгүүр,
үйлчилгээний төв

507,031+

Бүртгэлтэй
хэрэглэгчид

15%+

Сторпэй үйлчилгээ
нэвтрүүлснээр мерчантад бий
болсон борлуулалтын өсөлт

2,791,314+

Нийт хийгдсэн худалдан
авалтын тоо

**986.8+
тэрбум ₮**

Нийт худалдан авалтын
дүн

**88.8+
Тэрбум**


Хэрэглэгчдэд үүсгэсэн
хэмнэлт

2025 оны 8 сарын 18-ны өдрийн байдлаар




Storepay / Тоогоор


Тоон үзүүлэлт (Өссөн дүнгээр)



Storepay
Борлуулалт



Storepay
Бүртгэлтэй хэрэглэгч



Storepay
Боломжтой салбар, дэлгүүрүүд

2025 оны 8 сарын 18-ны өдрийн байдлаар



Storepay / Тоогоор

Санхүүгийн тайлангийн хураангуй (сая төгрөгөөр)

Орлого, үр дүнгийн тайлан

	2023.12.31	2024.12.31
Борлуулалтын орлого	11,923.07	29,415.88
Борлуулалтын өртөг	(954.31)	(2,451.39)
Нийт ашиг	10,968.76	26,964.49
Үйл ажиллагааны зардлын дүн	(3,953.56)	(5,532.14)
Үйл ажиллагааны бус ашиг (алдагдал)	(311.70)	(9,966.61)
Татвар төлөхийн өмнөх ашиг (алдагдал)	6,703.50	11,465.74
Орлогын татварын зардал	(1,017.26)	(2,226.64)
Татварын дараах ашиг (алдагдал)	5,686.24	9,239.10



Audited by "Nexia Global Mongolia Audit" LLC

Санхүүгийн байдлын тайлан

	2023.12.31	2024.12.31
Мөнгө, түүнтэй адилтгах хөрөнгө	5,258.19	3,991.61
Дансны авлага	16,765.51	35,561.02
Бусад авлага	1.11	3,793.86
Бусад эргэлтийн хөрөнгө	8,236.37	1,074.42
Эргэлтийн хөрөнгийн дүн	30,261.18	44,420.91
Эргэлтийн бус хөрөнгийн дүн	1,914.01	2,364.11
Нийт хөрөнгө	32,175.19	46,785.02
Дансны өглөг	9,318.75	15,811.89
Бусад өглөг	2,859.28	3,342.29
Өр төлбөрийн дүн	12,178.03	19,154.18
Хувь нийлүүлсэн хөрөнгө	285.89	2,785.89
Эздийн өмчийн бусад хэсэг	537.27	0.00
Хуримтлагдсан ашиг	19,174.00	24,844.95
Эзэмшигчдийн өмчийн дүн	19,997.16	27,630.84
Нийт өр төлбөр ба эздийн өмч	32,175.19	46,785.02



Аудитын дүгнэлт – 2024 он





SPCFIN token

Storepay & SPCFIN



SPCFIN токен



Storepay нь өөрсдийн дэд бүтцэд тулгуурлан “SPC” (Storepay Coin) шинэ криптовалютыг Монголын зах зээлд анхлан танилцуулсан.

“Стор пэй” ББСБ ХХК нь өөрийн дэд бүтцэд тулгуурлан “SPC” (Storepay coin) криптовалютыг 2021 онд Монголын зах зээлд анхлан танилцуулж, 18.0 тэрбум төгрөг босгосон. Компани IEO хийж, татан төвлөрүүлсэн хөрөнгөтэй холбоотой холбогдох татвар, хураамжийг хууль журмын дагуу тайлагнан, улсын төсөвт төвлөрүүлсэн болно.

SPC нь Binance Smart Chain-д суурилсан BEP20 стандартын токен бөгөөд Монгол болон Азийн хэрэглэгчдэд блокчейнд суурилсан худалдан авалтын урамшууллын ухаалаг ба өгөөжтэй шийдлийг санал болгож байна.


Бид storepay үндсэн үйлчилгээний эрх үүсгэх, нэмэгдүүлэх, худалдан авалтын төлбөрийн эргэн төлөлтөнд ашиглах, худалдан авалтын урамшуулал буюу буцаан олголт, staking үйлчилгээний урамшуулал зэргээр SPC-ийн цогц экосистемийг бий болгохоор төлөвлөж, зөвхөн Монголын зах зээлээр хязгаарлагдахгүй цар хүрээгээ тэлэхээр ажиллаж байна.

Компани 2025 оны 2-р улиралд брэндигийн шинэчлэл хийсний үндсэн дээр SPC токены нэр, лого шинэчлэгдэж SPCFIN нэртэй болсон.



SPCFIN токен

Блокчейн технологи нь



Тэгвэл криптовалютын хувьд иргэдийн дунд гардаг гол шүүмжлэлүүд нь хэрэглээгүй, зөвхөн “speculative” арилжааны хэрэгсэл буюу ханшийн өсөлт, уналт дээр мөрийцөн ашиг хүртэх, алдагдал хүлээх боломжийг дагуулсан хэрэгсэл гэсэн ойлголт түгээмэл бий.

Үүний гол шалтгаан нь ихэнх токеныг гаргаж байгаа бизнесүүд нь шинээр гарч байгаа стартапууд бөгөөд өөрсдийн санааг бодит болгох хөрөнгийг босгох зорилготой гарч байгаа нь эрсдэлийг дагуулдаг.



SPCFIN токен

SPCFIN дараах давуу талуудтай:



SPCFIN нь Storepay үндсэн үйлчилгээнд ашиглагдаж эхэлснээр урамшуулал буцаан олголтыг илүү боловсронгуй болгох өдөр тутамд ашиглагдах боломжтой зах зээлийн эргэлтэд шууд орох бололцоо бүхий шинэ төрлийн цахим хөрөнгө болсон.

Бизнесийн хувьд SPCFIN нь Storepay-ийн Зүүн Өмнөд Азийн зах зээлд бүтээгдэхүүн үйлчилгээгээ нэвтрүүлэх төлөвлөгөөний суурь болж байгаа бөгөөд Монгол болон бусад Storepay үйлчилгээ нэвтэрсэн зах зээлүүдэд нэгдмэл байдлаар хил хязгаар орон зайг хамаарахгүйгээр ашиглагдах боломжтой санхүүгийн бодит хэрэглээтэй бүтээгдэхүүн болгон хөгжүүллээ.




SPCFIN токен

SPCFIN ашиглалт ба SPCFIN wallet

SPCFIN нь Storepay үйлчилгээний 500,000 гаруй хэрэглэгчдийн, 7,000+ гаруй гэрээт байгууллагуудаас хийгдэж буй худалдан авалтад, мөн худалдан авалтын буцаан олголт, цоо шинэ үйлчилгээ болох SPCFIN wallet үйлчилгээнүүдэд ашиглагдаж байна.

SPCFIN Wallet-ын онцлох функцууд:





SPCFIN token

SPCFIN mining & SPCFIN burn

0.5%



SPCFIN
mining

1%



SPCFIN
burn

Хэрэглэгчдийн хувьд Storepay үйлчилгээг ашиглан хийсэн худалдан авалтаа хугацаандаа төлж дуусах бүртээ үнийн дүнгийн 1%-тай тэнцэх хэмжээний SPCFIN буцаан олголт авах боломжтой байсан бол 2023 оны 02 дугаар сараас эхлэн буцаан олголтын SPCFIN-г 0.5% болгон бууруулж, худалдан авалтанд олгосон урамшууллын SPCFIN-г 2 дахин нэмэгдүүлсэн дүнгээр буюу худалдан авалтын үнийн дүнгийн 1%-тай тэнцэх үнийн дүн бүхий SPCFIN-г хоёрдогч зах зээлээс компани худалдан авч шатааж байна. Ингэснээр зах зээл дээрх SPCFIN токены тоо хэмжээ 14 хоног тутамд тодорхой дүнгээр хорогдож байгаа юм.



SPCFIN токен

Эрэлт

SPCFIN нь дотоод болон гадаадын криптовалютын биржүүдэд хөрөнгө оруулалтын хэрэгслээр ашиглагдахаас гадна Storepay үндсэн үйлчилгээнд ашиглах, худалдан авалтын буцаан олголт зэрэг хэлбэрээр зах зээлийн эрэлт, нийлүүлэлт нь хангагдаж явах бөгөөд ингэснээр SPCFIN-ийн тогтмол “хэрэглээтэй” байдал нь хангагдаж, тогтмол гүйлгээнд байна.

SPCFIN токены эрэлт Storepay хэрэглэгчдийн тоог даган шууд хамааралтай байдлаар нэмэгдэж байгаа бөгөөд SPCFIN токены IEO (Initial Exchange Offering) хийгдсэнээс хойш хэрэглэгчид SPCFIN токеныг Монголд үйл ажиллагаа явуулж буй крипто биржүүдээс худалдан авч Storepay үйлчилгээнд ашиглаж байна.

Storepay үйлчилгээ нь зах зээлд аль хэдийнээ нэвтэрсэн байнгын худалдан авалт, тогтмол идэвхтэй хэрэглэгчийн баазтай тул хэрэглээнд шууд нэвтэрсэн ба Storepay апп дээрх үндсэн үйлчилгээнд ашиглагдах эрэлт үүсгэх давуу талтай байна.

Цаашлаад Зүүн өмнөд Азийн 676 сая хэрэглэгчтэй зах зээлд Storepay үйлчилгээг нэвтрүүлж, SPCFIN-г олон улсын төвлөрсөн бус (decentralized- DEX) болон төвлөрсөн (centralized – CEX) биржүүд дээр гаргаснаар SPCFIN-ийн эрэлт, хэрэглээ нэмэгдэх боломжтой.



SPCFIN токен

Нийлүүлэлт



SPCFiN
Storepay Fintech

SPCFIN токены IEO-д нийт токены 15% буюу 90 тэрбум SPCFIN токен Монгол улсын зах зээлд гарсан бөгөөд энэхүү нийлүүлэлт нь цаашдын Storepay үйлчилгээнд ашиглагдах токены эрэлтийг хангаж ажиллана.

Storepay худалдан авалтад хэрэглэгч төлбөрөө хугацаандаа төлж дуусах үед үнийн дүнгийн 0,5%-д SPCFIN токен буцаан олголт олгогдох бөгөөд буцаан олголт, урамшуулалд олгогдох SPCFIN токен нь урамшууллын пүүлээс олгогдож байна. Урамшууллын пүүлээс токен олгогдож байна гэдэг нь эргээд Storepay үйлчилгээний эрэлт хэрэгцээ зах зээлд нэмэгдэж, өргөжин тэлж байгаагийн илрэл бөгөөд шууд хамаарлын зарчмаар SPCFIN токены эрэлтийг нэмэгдүүлэх гол хүчин зүйл болох юм.





Нийлүүлэлт

SPCFIN IEO

Койны нэр:	StorePay Coin
Тикер:	SPCFIN
Blockchain:	Binance Smart Chain
Address:	BEP20
Нийт нийлүүлэлт:	600,000,000,000
IEO нийлүүлэлт:	90,000,000,000
IEO үнэлгээ:	0.20₮
IEO татан төвлөрүүлэлт:	18,000,000,000₮
IEO эхлэх хугацаа:	2021.10.27 11:00
IEO дуусах хугацаа:	2021.10.29 17:00
IEO явагдах бирж:	trade.mn
Нэг хүний лимит:	15,000,000₮

SPCFIN койны анхны хуваарилалт

Нийт нийлүүлэлт:	600,000,000,000 / 100%
IEO:	90,000,000,000 / 15%
Хоёрдогч зах зээлд:	60,000,000,000 / 10%
Storepay Holding Singapore:	180,000,000,000 / 30%
Хөрвөх чадвар:	60,000,000,000 / 10%
Олон улсын стратегийн түншлэл:	66,000,000,000 / 11%
Урамшуулал, идэвхжүүлэлтийн сан:	54,000,000,000 / 9%
Үүсгэн байгуулагчид, баг бүрэлдэхүүн, зөвлөх:	30,000,000,000 / 5% (Locked for 1 year)
Стратегийн нөөц:	60,000,000,000 / 10%

Storepay Coin

Дахин хэвлэгдэх боломжгүй, шатаах боломжтойгоор үүсгэгдсэн.



SPCFIN токен загвар

SPCFIN токены тоо хэмжээ (2025.08.18-ны өдрийн байдлаар)



SPCFiN
Storepay Fintech

SPCFIN 68,832,092,233

Нийт SPCFIN токен

SPCFIN 28,790,932,570

2022.01.01 – 2025.08.15 хооронд
урамшуулалд олгосон дүнгээс
шатаасан SPCFIN токен

SPCFIN 376,875,196

SPCFIN staking үйлчилгээний
урамшуулалд олгосон

SPCFIN 502,000,100,001

Удирдлагын шийдвэрээр бусад
сангаас шатаасан



Гадаадын зах зээлийн хөгжил

Storepay & SPCFIN



Гадаадын зах зээлийн хөгжил





Зүүн Өмнөд Азийн зах зээлийн тэлэлт

Блокчейн технологи, крипто хөрөнгийн давуу талууд болох хил хязгаар, газар нутаг, орон зайг үл хамааран ашиглагдах боломж нь бидэнд энэхүү нэвтрүүлэлтийн ажлыг хийх гол хүчин зүйл нь болж байгаа бөгөөд Storepay үйлчилгээ нэвтэрсэн бүхий л зах зээлд SPCFIN койн нь нэгдмэл байдлаар ашиглагдан зах зээлийн эрэлт нийлүүлэлтийг тэнцвэржүүлсэн олон улс хоорондын экосистем бүрдүүлэх боломжийг нээж байна.

SPCFIN койн нь Storepay үйлчилгээ нэвтэрсэн улсуудын дотоодын крипто биржүүд болон олон улсын крипто биржүүдэд арилжаалагдах бөгөөд аль ч улс орны хэрэглэгч ашиглах, хоорондоо арилжаалах боломжийг бүрдүүлэх юм.



Бүтэц Баг хамт олон

Storepay & SPCFIN



Бүтэц, баг хамт олон

Хувьцаа эзэмшигчдийн бүтэц

“Стор пэй ББСБ” ХХК нь Монгол Улсын хуулийн дагуу үүсгэн байгуулагдсан, үүсгэн байгуулагч хувьцаа эзэмшигч нь Бүгд Найрамдах Сингапур Улсад бүртгэгдсэн Storepay Holding Pte.Ltd бөгөөд тус компани нь компанийн хувьцааг 100% эзэмшиж байна.

2025 оны 6-р сарын байдлаар токен гаргагчийн хувьцаа эзэмшигчийн бүтэц дараах байдалтай байна.





Бүтэц, баг хамт олон

Компанийн бүтэц





Бүтэц, баг хамт олон



Нэргүй Хангал

“Стор Пэй ББСБ” ХХК
Үүсгэн байгуулагч,
Гүйцэтгэх захирал

Стор Пэй Холдинг Сингапур
ТУЗ-ын Дарга

“Стор Пэй ББСБ” ХХК-ийн үүсгэн байгуулагч, гүйцэтгэх захирал Н.Хангал нь бизнесийн салбарт 13+ жилийн туршлагатай 2009 онд Спортын төрөлжсөн “Sole” сэтгүүл, 2011 онд “Mobile Advertisement” компаниудыг үүсгэн байгуулж шинэлэг орчин үеийн үйлчилгээ, бүтээгдэхүүнийг Монголын зах зээлд амжилттай нэвтрүүлж байсан. Дэлхий дахинд өргөнөөр нэвтрээд буй BNPL бизнес моделийг 2019 оноос Монголд нэвтрүүлэх төслийг эхлүүлж гадаадын хөрөнгө оруулалт амжилттай татан нэгэн цоо шинэ Финтек үйлчилгээг хэрэглэгчдэд амжилттай хүргэн төслийг бүтнээр нь удирдан ажиллаж байна.

Н.Хангал нь 2012 онд МУИС-ийн Бизнесийн удирдлагын бакалавр, 2016 онд Австрали улсын Квинсландын Технологийн Их сургуулийг Олон улсын бизнесийн Магистр, 2017 онд Хууль Сахиулахын Их Сургуулийг Эрх зүйн бакалавр зэргээр тус тус төгссөн, Эдийн Засагч, Эрх зүйч мэргэжилтэй.



Бүтэц, баг хамт олон



Баттөр Цэнгэл

"Стор пэй ББСБ" ХХК
Санхүү эрхэлсэн захирал

"Стор пэй ББСБ" ХХК-ын Санхүү эрхэлсэн захирал Б.Цэнгэл нь банк, үйлдвэрлэлийн салбарт 10 жил ажилласан туршлагатай. ХААН банкны Эрсдэлийн удирдлагын газарт мэргэжилтнээр ажлын гараагаа эхэлж, Хөрөнгийн удирдлагын газрын мэргэжилтэн, дилерээр ажиллаж байсан. Мөн Говь ХК-ийн Гадаад онлайн худалдааны өргөжин тэлэлтийг хариуцсан санхүү стратеги төлөвлөлтийн хэлтсийн даргаар ажиллаж байсан.

Тэрээр 2016 онд МУИС болон Corvinus university of Budapest-ын Санхүү удирдлагын бакалавр, 2023 онд Авсралийн Шинэ өмнөд вэйлсийн их сургуулийн санхүүгийн магистр зэргээр тус тус төгссөн. Санхүүгийн мэргэшсэн шинжээч (CFA III candidate)



Бүтэц, баг хамт олон



Энхболд Баярмаа

"Стор пэй ББСБ" ХХК
Үйл ажиллагаа эрхэлсэн захирал

"Стор пэй ББСБ" ХХК-ийн Үйл ажиллагаа эрхэлсэн захирал Э.Баярмаа нь газрын харилцааны салбарт 11 жил ажилласан туршлагатай. Тэрээр Мянганы сорилтын сангийн Хөрөнгийн эрхийн төсөлд Газрын зах зээлийн мэргэжилтэнгээр ажлын гараагаа эхэлсэн ба үргэлжлүүлэн ШУТИС-ийн Геологи, уул уурхайн сургуульд Газрын менежмент, газрын харилцааны тогтвортой хөгжил, газрын эдийн засгийн үнэлгээ чиглэлээр багшилж байсан.

Тэрээр 2007 онд ШУТИС-ийн Газар зохион байгуулалтаар бакалавр, 2016 болон 2022 онд Япон улсын Цукубагийн их сургуулийг Хүрээлэн буй байгаль орчны чиглэлээр магистр болон докторын зэргээр тус тус төгссөн ба 2023 оны 6 дугаар сараас "Стор пэй ББСБ" ХХК-ийн багт ажиллаж байна.



Бүтэц, баг хамт олон



Жаргалсайхан Болортуяа

“Стор Пэй ББСБ” ХХК
Ерөнхий нягтлан бодогч, МНБ

Ерөнхий нягтлан бодогч Ж.Болортуяа нь 2008 онд СЭЗДС-ийг Нягтлан бодогч мэргэжлээр бакалаврын зэрэгтэй төгсөж, 2016 онд Мэргэшсэн нягтлан бодогчийн хугацаагүй эрхийн гэрчилгээ авсан.

Ж.Болортуяа нь санхүү, хөрөнгийн зах зээлийн мэргэжлийн байгууллагуудад +14 жил ажилласан туршлагатай. 2008 онд Монголын хөрөнгийн зах зээлд хувийн Дилерүүдийн арилжааны төв байгуулах зорилгоор байгуулагдсан Мосдак ХХК-д нягтлан бодогч, төслийн мэргэжилтнээр ажлын гараагаа эхэлж, Монголын хөдөө аж ахуйн бирж, Монголын эрдэс баялгийн биржүүдийн төслийн Техник эдийн засгийн үндэслэл боловсруулах багуудад ажиллаж, биржүүд үүсгэн байгуулагдах үед ерөнхий нягтлан бодогчоор ажиллаж байсан.

Монголын үнэт цаасны бирж ХК-д ажиллаж байх хугацаандаа биржээр дамжуулан олон нийтээс хөрөнгө татан төвлөрүүлэх хэд хэдэн төслийн санхүү, хөрөнгө оруулалтын төлөвлөгөөнд зөвлөгөө өгч ажилласан мэргэжлийн боловсон хүчин бөгөөд 2022 оны 05 дугаар сараас “Стор Пэй ББСБ” ХХК-ийн багт ажиллаж байна.



Бүтэц, баг хамт олон



Жийл Гурьер Де Думаст

Стор Пэй Холдинг Сингапур
ТУЗ-ын гишүүн

ФронтКап Ази Лимитед (FrontCap Asia Limited) ба Фронтиерс Капитал (Frontiers Capital SAS) компаниудын ТУЗ-ын дарга. Жийл Гурьер де Думаст нь банкны салбарт 36 жил ажилласан туршлагатай. Тэрээр 2005 онд Калёон (Кредит Агрикол)-д орлогч ерөнхий менежер, сурталчилгааны болон хөрөнгө оруулалтын банкны олон улсын даргаар ажиллаж байсан.

Францын эдийн засаг, санхүү, аж үйлдвэрийн сайд Эрвэ Гаймарын тусгай зөвлөх болон Лондон дахь Дойче банкны Францын хөрөнгө оруулалтын банкны тэргүүний үүргийг гүйцэтгэж байсан. Европын Гүйцэтгэх зөвлөлийн гишүүн; Лондон дахь Францын КСФБ д хамтрагч тэргүүн болон Нью-Йорк дахь Олон улсын Гүйцэтгэх зөвлөлийн гишүүнээр; Парис, Нью-Йорк дахь JP Morgan мөн түүнчлэн Лондонд Bankers Trust-д Европын стратегийн дериватив бүлгийн даргаар тус тус ажиллаж байсан.

Мөн тэрээр Хөрөнгийн менежментийн Европын хамгийн том компани болох Амунди Групп (Amundi Group)-ийн Гүйцэтгэх захирлын ахлах зөвлөх, Амунди Саут Азия (Amundi South Asia) ба Амунди Норт Ази (Amundi North Asia) компаниудын зөвлөлдөх зөвлөлийн үүсгэн байгуулагч, гишүүн юм. Жийл нь Парисын Улс төр судлалын дээд сургуулийг (Sciences Po) санхүүгийн магистрын зэрэгтэй төгссөн.



Бүтэц, баг хамт олон



Алберт Момдиан

Стор Пэй Холдинг Сингапур
ТУЗ-ын гишүүн

Сокотра Капита (Sokotra Capita) ба ФронтКап Ази Лимитед (FrontCap Asia Limited) компаниудын үүсгэн байгуулагч ба Гүйцэтгэх захирал. Тэрээр UBS AG, HSBC, Credit Suisse, Merrill Lynch ба Crédit Agricole-CIB зэрэг олон улсын санхүүгийн зах зээлийн томоохон тоглогч компаниудад хөрөнгө оруулалтын банкираар 25 жил ажилласан туршлагатай.

Ойрх Дорнод, Хойд Африкийн (MENA) бүс нутгийн Ultra High Net Worth буюу 30 саяас дээш ам.долларын хөрөнгөтэй харилцагчдын банкираар ажиллаж байсан. Тэрээр тухайн бүс нутгийн төр засгийн төлөөлөгчид, компанийн Гүйцэтгэх болон санхүү хариуцсан захирлуудтай ойрын харилцаатай байдаг бөгөөд тус бүс нутгаас гадагш болон бүс нутаг руу хийгдсэн томоохон хөрөнгө оруулалтуудын төслүүдэд зөвлөхөөр ажиллаж байсан.

Тэрээр газар тариалан болон тус салбарын агритек буюу газар тариалангийн технологийн салбарт нарийн мэргэшсэн туршлагатай. Алберт нь Францын Парис-Дофины Их Сургуулийг ОУ-ын санхүүгийн магистраар төгссөн.





Бүтэц, баг хамт олон



Сэсилия Баррадас

Стор Пэй Холдинг Сингапур
ТУЗ-ын нарийн бичгийн дарга

ФронтКап Ази Лимитед ба Фронтиерс Капитал компаниудын хөрөнгө оруулалтын шинжээч, ахлах ажилтан. Хойд болон Зүүн Өмнөд Ази бүс нутагт хөрөнгө оруулалтын шинжилгээ, төслийн менежментийг хариуцаж ажилласан 9 жилийн туршлагатай.

Тогтвортой хөрөнгө оруулалт болон тойрог эдийн засгийн (circular economy) салбаруудад идэвхтэй оролцдог. Парисын алдарт Улс төр судлалын дээд сургуулийг (Sciences Po) болон Лондоны Эдийн Засгийн Сургууль (London School of Economics) -ыг ОУ-ын эдийн засгийн хөгжил ба Эдийн засгийн түүхээр хос магистрын зэрэг хамгаалсан.

Брюссель дахь Мексик улсын элчин сайдын яам, Мексикийн Эдийн Засгийн Хөгжлийн яам болон ЮНЕСКО-гийн Дэлхийн Өвийн төвд ажиллаж байсан туршлагатай.



Системийн хөгжүүлэлтийн
чиглэлээр хамтран
ажиллагч

АйСиТи групп ХК нь 2013 онд Монгол улсын стратегийн салбар болох Мэдээллийн технологи, Харилцаа холбооны салбарт группийн зохион байгуулалттайгаар үйл ажиллагаа явуулахаар үүсгэн байгуулагдсан.

Группийн үндсэн чиг үүрэг нь охин компаниудаа нэгдмэл удирдлага, бодлого зохицуулалтаар ханган ажиллах бөгөөд одоогоор 32 компанид хөрөнгө оруулалт хийн, ажиллаж байна. АйСиТи групп болон түүний охин компаниуд нь 2019 оноос "Storepay" үйлчилгээний систем хөгжүүлэлтийн ажлыг хариуцан хамтран ажиллаж байгаа бөгөөд хамгийн сүүлийн үеийн технологи, аюулгүй ажиллагаа, шилдэг инженерчлэлийн шийдлүүдийг "Storepay" платформд нэвтрүүлэн ажиллаж байна.

Текпорт ХХК нь мэдээллийн технологи болон программ хангамжийн чиглэлээр 2023 онд үүсгэн байгуулагдсан. Үүсгэн байгуулагдсан цагаасаа хойш харилцагчдынхаа өдөр тутмын хэрэгцээнд нийцсэн, дэвшилтэт технологид суурилсан шийдлүүдийг амжилттай хөгжүүлэн нэвтрүүлж ирсэн.

Тэдний анхны томоохон бүтээгдэхүүн болох "Etsalin" аппликейшн нь хэрэглэгчдэд цалин буухыг хүлээлгүй, хүссэн цагтаа, хүссэн газраасаа ямар ч хүү, шимтгэлгүйгээр цалингийн урьдчилгаагаа авах боломжийг олгодог.

Текпорт ХХК нь 2024 онд "Стор Пэй ББСБ" ХХК-ийн охин компани болж, үйл ажиллагаагаа улам өргөжүүлэн, шинэ шатанд гарган амжилттайгаар явуулж байгаа бөгөөд "Storepay 4.0" хувилбарын хөгжүүлэлтийг амжилттай хийн хэрэглэгчдэд хүргэн ажиллаж байна.



Санхүү, хөрөнгө оруулалт
менежментийн чиглэлээр
хамтран ажиллагч

MICC нь хөрөнгө оруулалтын банкны цогц үйлчилгээг 2005 онд анх Монголд нэвтрүүлж, үүнээс хойш IPO, хаалттай хувьцаа, зээлийн санхүүжилт, компанийн нэгдэлт, худалдан авалт зэрэг нийтдээ нэг тэрбум гаруй долларын үнэлгээ бүхий 30 гаруй хэлцлийг амжилттай гүйцэтгээд байна.

MICC компани нь 2019 оноос "Storepay" төсөл дээр хөрөнгө оруулалт болон санхүүгийн менежментийн асуудлууд дээр зөвлөх үйлчилгээ үзүүлэх, судалгаа болон төлөвлөгөө боловсруулах чиглэлээр хамтран ажиллаж байна.



Хууль зүйн зөвлөх
үйлчилгээ үзүүлэгч

“Өмгөөллийн Фиделитас Партнерс” ХХН нь мэдээлэл технологид суурилсан бүтээгдэхүүн, үйлчилгээ зах зээлд нийлүүлдэг компаниуд тухайлбал, цахим худалдаа, финтек, нийлүүлэлтийн гинжин хэлхээ, сэтгэл зүйд суурилсан скоринг, программ хангамж хөгжүүлэгч, хиймэл оюун ухаан, тархмал технологид суурилсан виртуал хөрөнгийн үйлчилгээ үзүүлэгч нарт болон хөрөнгийн зах зээлд холбогдох асуудлаар хууль зүйн зөвлөх үйлчилгээ үзүүлдэг.

Мөн зохицуулалтын орчныг сайжруулах, хууль тогтоомжийн нийцлийг хангах хүрээнд мэргэжлийн холбоодтой хамтран ажиллаж, хууль зүйн бодлогын болон хууль тогтоомжийн хэрэгцээ шаардлага, хэрэгжилтийн судалгаа тогтмол гүйцэтгэдэг.

Хуулийн фирм 2022 оны 7 дугаар сараас эхлэн “Стор Пэй ББСБ” ХХК-д урт хугацааны хууль зүйн зөвлөх үйлчилгээний гэрээгээр BNPL үндсэн үйл ажиллагаа болон SPCFIN токенд суурилсан үйл ажиллагаанд тухайлсан зөвлөх үйлчилгээ үзүүлж, хамтран ажиллаж байна.



Эрсдэлийн менежмент

“Стор пэй ББСБ” ХХК нь эрсдэлийн удирдлага, хяналтын зохистой засаглалын тогтолцоог Хамгаалалтын 3 бүсийн зарчимд тулгуурлан олон улсын эрсдэлийн менежментийн стандартад нийцүүлэн хэрэгжүүлэх, учирч болох эрсдэлээс сэргийлэх, бууруулах зорилгоор эрсдэлийн удирдлагын бодлого, журмуудыг боловсруулан өдөр тутмын үйл ажиллагаандаа мөрдөхөөс гадна эрсдэлийг зохистой түвшинд удирдахыг зорин ажиллаж байна.

Компанийн үйл ажиллагаанд учирч болох дараах гол эрсдэлүүд байх боломжтой бөгөөд эдгээрээр хязгаарлагдахгүй.

Хууль тогтоомж, зохицуулалтын өөрчлөлт:

Виртуал хөрөнгө гаргагчийн болон үйлчилгээ үзүүлэгчийн үйл ажиллагааг зохицуулж буй хууль тогтоомж, зохицуулалтын баримт бичгүүдэд томоохон өөрчлөлт оруулах тохиолдолд SPCFIN-ийн ханшийн хэлбэлзэл үүсгэж болзошгүй.

Нэр хүндийн эрсдэл:

Компанийн нэр хүндэд сөргөөр нөлөөлж болзошгүй нөхцөл байдал, нийгмийн цахим сүлжээний сөрөг хандлагаас үүсэх боломжтой бөгөөд SPCFIN-ийн зах зээлийн эрэлт, нийлүүлэлтэд нөлөөлөх, ханшийн хэлбэлзэл үүсгэх боломжтой. Эрсдэлийг бууруулахын тулд бид компанийн үйл ажиллагааны тасралтгүй, найдвартай байдлыг ханган, тогтмол сайжруулалт хийж, бүхий л хууль журмыг мөрдөн ажиллаж байна.

Зах зээлийн ханшийн хэлбэлзэл:

SPCFIN-ийн үнэ цэн, зах зээлийн ханш нь зах зээлийн эрэлт, нийлүүлэлтээс шалтгаалан хэлбэлзэх боломжтой бөгөөд үүнд токен гаргагч нөлөөлөх боломжгүй.

Эдийн засгийн өөрчлөлт:

Макро эдийн засгийн нөхцөл байдал, валютын ханшийн өөрчлөлт, хэрэглэгчийн эрэлт, өрсөлдөгчийн үйл ажиллагаа зэргээс хамааран компанийн үйл ажиллагаа доголдох, санхүүгийн алдагдалд орох, зах зээлд эзлэх хувь хэмжээ буурч ханшийн хэлбэлзэл үүсч болзошгүй.

Гадаад хүчин зүйлс:

Хэрэглэгчийн санаатай болон санамсаргүй үйлдлээс хамааран хувийн мэдээллээ алдах, аливаа гэмт хэргийн шинжтэй халдлагад өртөх, бирж, гуравдагч этгээдийн үйл ажиллагаатай холбоотойгоор SPCFIN-ийн ханшийн хэлбэлзэл, алдагдал үүсэх боломжтой.

Мэдээллийн аюулгүй байдал:

Мэдээллийн системийн доголдолтой байдлаас болж хэрэглэгчийн нууцлалтай мэдээлэл алдагдаж болзошгүй эрсдэл. Энэхүү эрсдэлээс сэргийлэхийн тулд компанийн өдөр тутмын үйл ажиллагаанд МАБУТ-ны ISO 27001:2022 стандартыг мөрдлөг болгон ажиллаж байна.

Системийн найдвартай ажиллагаа:

Системийн хэвийн үйл ажиллагаа тасалдаж болзошгүй эрсдэлийг бууруулахын тулд зорилтот хүчин чадлын хязгаарын дотор аппликейшнийн ачаалал даах чадварыг тестлэх, холбогдох сайжруулалт, өргөтгөлийн ажлуудыг тогтмол хийж байна.

Даатгагдахгүй:

SPCFIN нь Монгол улс болон Олон улсын даатгалын компанид хөрөнгө оруулагчдыг хамгаалах даатгалд хамрагддаггүй.

Хууль ёсны байдал:

SPCFIN нь холбогдох хууль тогтоомжид заасны дагуу аливаа төрлийн үнэт цаас, санхүүгийн хэрэгсэл, төлбөрийн хэрэгсэлд тооцогдохгүй.



Storepay албан ёсны хуудсууд



Виртуал хөрөнгөнд хийсэн технологийн аудитын дүгнэлттэй танилцах:

CertiK Audit:

<https://skynet.certik.com/projects/storepay-fintech>



View BscScan:

<https://bscscan.com/token/0x16f0d99be1fbD0312641E318c53A63B40AAF5df6>



Хаяг:

Улаанбаатар хот, Хан-Уул дүүрэг, 15-р хороо, Махатма
Гандигийн гудамж, Эн Эм тауэр, 20 давхар



Утас:

7611-0111



И-Мэйл:

info@storepay.mn



Вэбсайт:

<https://storepay.global>



Telegram:

<https://t.me/storepayspc>



Facebook:

<https://www.facebook.com/storepay.mn>



Instagram:

<https://www.instagram.com/storepay.mn/>



Medium:

<https://storepayspc.medium.com/>



Twitter:

https://twitter.com/Storepay_SPCFIN



Анхаарал хандуулсанд баярлалаа

Улаанбаатар 2025